



«ՎԱՆԱԶՈՐԻ Հ. ԹՈՒՄԱՆՅԱՆԻ ԱՆՎԱՆ ՊԵՏԱԿԱՆ
ՀԱՄԱԼՍԱՐԱՆ» ՀԻՄՆԱԴՐԱՄԻ 2026-2030ԹԹ.
ՌԱԶՄԱՎԱՐՈՒԹՅՈՒՆ

ՌԱԶՄԱՎԱՐԱԿԱՆ ԾՐԱԳԻՐ

ԲՈՎԱՆԴԱԿՈՒԹՅՈՒՆ

ՆԱԽԱԲԱՆ	3
ԱՌԱՔԵԼՈՒԹՅՈՒՆ, ՏԵՍԼԱԿԱՆ ԵՎ ՀԻՄՆԱԿԱՆ ԱՐԺԵՔՆԵՐ	4
ՌԱԶՄԱՎԱՐԱԿԱՆ ԾՐԱԳՐԻ ՆՊԱՏԱԿՆԵՐ ԵՎ ԽՆԴԻՐՆԵՐ	8
ՆՊԱՏԱԿ 1: ԿՐԹԱԿԱՆ ԾՐԱԳՐԵՐԻ ԱՐԴԻԱԿԱՆԱՑՈՒՄ	8
ՆՊԱՏԱԿ 2: ՄԻՋԱԶԳԱՅՆԱՑՈՒՄ ԵՎ ԱՐՏԱՔԻՆ ԿԱՊԵՐ.....	9
ՆՊԱՏԱԿ 3: ԹՎԱՅԻՆ ՓՈԽԱԿԵՐՊՈՒՄ և ՏԵԽՆՈԼՈԳԻԱԿԱՆ ԱՐԴԻԱԿԱՆԱՑՈՒՄ	10
ՆՊԱՏԱԿ 4: ՀԱՄԱԼՍԱՐԱՆ-ՀԱՄԱՐԱԿՈՒԹՅՈՒՆ ԿԱՊ	12
ՆՊԱՏԱԿ 5: ԳԻՏԱՀԵՏԱԶՈՏԱԿԱՆ ԱՌԱՋՇՆԹԱՑ	12
ՆՊԱՏԱԿ 6: ԿԱՌԱՎԱՐՉԱԿԱՆ ՃԿՈՒՆՈՒԹՅՈՒՆ և ՖԻՆԱՆՍԱԿԱՆ ԿԱՅՈՒՆՈՒԹՅՈՒՆ	14
ՆՊԱՏԱԿ 7: ՈՒՍԱՆՈՂԱԿԵՆՏՐՈՆ ՔԱՂԱՔԱԿԱՆՈՒԹՅՈՒՆ	15

ՆԱԽԱԲԱՆ

«Վանաձորի Հ.Թումանյանի անվան պետական համալսարան» հիմնադրամը (այսուհետ՝ Համալսարան) ավելի քան կես դար շարունակաբար կատարում է մարդկային կապիտալի զարգացման իր առանցքային դերը՝ ձգտելով արձագանքել միջավայրի արագ փոփոխվող մարտահրավերներին և ձևավորվող նոր հնարավորություններին:

Բարձրագույն կրթության ոլորտում ի հայտ եկող գլոբալ միտումները և ազգային մակարդակի նոր պահանջները ամրապնդում են Համալսարանի զարգացման ռազմավարական վերահաստատման անհրաժեշտությունը: Զարգացման նոր փուլ թևակոխելու համար կարևոր է ձևավորել երկարաժամկետ, իրատեսական և առաջատար ուղղություններով ուղղորդված ռազմավարական հիմք: Այդ նպատակով մշակված Ռազմավարական ծրագիրը միտված է ապահովել կայուն և մրցունակ զարգացում՝ բարձրացնելով կրթության որակը, բազմազանեցնելով կրթական հնարավորությունները, զարգացնելով և ընդլայնելով գիտական ու նորարարական ներուժը, ձևավորելով թվայնացված միջավայր, ակտիվացնելով և համակարգելով տեղեկատվական հոսքերը կառավարչական գործընթացներում, ինչպես նաև խորացնելով համագործակցությունը տեղական և միջազգային գործընկերների հետ:

Ռազմավարական ծրագիրը մշակվել է ձևավորված աշխատախմբի (հրաման թիվ 1290 Ա/Մ) կողմից Համալսարանի ռեկտորի ղեկավարությամբ, Գիտական խորհրդի դրական եզրակացության հիման վրա, քննարկվել և հաստատվել է Հոգաբարձուների խորհրդի թիվ 23 նիստում: Աշխատախմբում ընդգրկվել են վարչական, պրոֆեսորադասախոսական անձնակազմերից, ուսանողներից, ինչպես նաև՝ արտաքին շահակիցներից՝ գործատուներից, ներկայացուցիչներ: Ուսումնասիրվել է ինչպես ներքին միջավայրը՝ կադրային ներուժը, կրթական ծրագրերի որակը, գիտահետազոտական ակտիվությունը, ենթակառուցվածքները, Համալսարանի կառուցվածքը, այնպես էլ արտաքին գործոնները՝ աշխատաշուկայի պահանջները, տարածաշրջանային հնարավորությունները, պետության կրթական

քաղաքականությունը և միջազգային միտումները: Ռազմավարական ծրագրի մշակման ընթացքում աշխատախմբի կողմից իրականացվել է SWOT վերլուծություն, քննարկվել է նախորդ ռազմավարական ծրագրի կատարողականը: Ապահովվել է ռազմավարական ծրագրի համապատասխանությունը Համալսարանի երրորդ շրջափուլի (2024 թ.) ինստիտուցիոնալ կարողությունների հավատարմագրման փորձագիտական խմբի խորհրդատվություններին, ՀՀ «Բարձրագույն կրթության և գիտության մասին» (2025 թ.) օրենքի պահանջներին, ինչպես նաև «Հայաստանի Հանրապետության կրթության մինչև 2030 թվականի զարգացման պետական ծրագրի» դրույթներին: Ծրագիրը համահունչ է նաև ՄԱԿ-ի կայուն զարգացման նպատակներին, մասնավորապես՝ SDG4 (որակյալ և ներառական կրթություն), SDG9 (նորարարություն և ենթակառուցվածքներ) և SDG17 (գործընկերություններ և համագործակցություն):

ԱՌԱՔԵԼՈՒԹՅՈՒՆ, ՏԵՍԼԱԿԱՆ ԵՎ ՀԻՄՆԱԿԱՆ ԱՐԺԵՔՆԵՐ

ԱՌԱՔԵԼՈՒԹՅՈՒՆ: Համալսարանի առաքելությունն է լինել կրթական և գիտական գործունեություն իրականացնող առաջատար միջավայր, որը, հիմնվելով կայուն զարգացման սկզբունքների վրա, որակյալ կրթության մատուցման արդյունքում պատրաստում է մրցունակ, նախաձեռնող մասնագետներ ու պատասխանատու քաղաքացիներ՝ միտված աշխատաշուկայի փոփոխվող պահանջների բավարարմանը:

ՏԵՍԼԱԿԱՆ: Համալսարանը, ամրապնդելով միջազգային կապերն ու համայնքային ինտեգրումը և ձգտելով ակադեմիական գերազանցության, կպատրաստի մասնագետներ, ովքեր բավարարում են աշխատաշուկայի փոփոխվող պահանջներին՝ ապահովելով առկա և ապագա մարտահրավերների հաղթահարման նորարարական և իրագործելի լուծումներ:

ՀԻՄՆԱԿԱՆ ԱՐԺԵՔՆԵՐ.

Նորարարություն և ստեղծագործականություն

- Համալսարանը խթանում է նոր գաղափարների, մեթոդների և կրթական-հետազոտական նախաձեռնությունների զարգացումը:
- Ստեղծագործական մտածողությունը, նորարարական լուծումները և միջմասնագիտական համագործակցությունը նպաստում են տնտեսության

բարդ խնդիրների հաղթահարմանը և ուսանողների ապագայի հմտությունների ձևավորմանը:

Որակ, մրցունակություն և միջազգային համադրելիություն

- Համալսարանն առաջնահերթ է համարում կրթական, գիտական և կառավարչական գործընթացների բարձր ստանդարտները, որոնք ապահովում են մատուցվող ծառայությունների որակը:
- Կրթական ծրագրերի համադրելիությունը, ուսանողի փորձառության միասնական չափանիշները և միջազգային չափորոշիչներին համապատասխանությունը նպաստում են շրջանավարտների մրցունակությանը տեղական և միջազգային շուկաներում՝ գործելու բազմամշակութային, միջազգային միջավայրում և նպաստելու հասարակության զարգացմանը:

Կայունություն

- Համալսարանը պարտավորվում է իր գործունեությամբ նպաստել շրջակա միջավայրի պահպանությանը, կանաչ միջավայրի զարգացմանը և կայուն զարգացման գլոբալ նպատակներին:

Հասարակական պատասխանատվություն և բարեվարքություն

- Գործընթացներն իրականացվում են թափանցիկության, հաշվետվողականության և հրապարակայնության հիման վրա:
- Ապահովվում է բարեվարքությունը, ակադեմիական ազատությունը և ակադեմիական ազնվությունը:
- Համալսարանը բարձր է գնահատում արտաքին և ներքին շահակիցների ակտիվ ներգրավվածությունը ռազմավարական նպատակների իրականացման գործընթացում՝ խթանելով համագործակցային, վստահելի և հասարակության կարիքներին արձագանքող միջավայրի զարգացումը:

Ներառականություն և անվտանգ միջավայր

- Համալսարանը կարևորում է յուրաքանչյուր անհատի արժանապատվությունը՝ խթանելով իրավահավասարությունը, հանդուրժողականությունը և խտրականության բացառումը:
- Ստեղծվում է անվտանգ կրթական միջավայր, որն ապահովում է շահառուների բարեկեցությունը և առողջության մասին հոգածությունը:

ԻՐԱՎԻՃԱԿԻ ՆԿԱՐԱԳՐՈՒԹՅՈՒՆ

Համալսարանն այսօր կանգնած է զարգացման նոր փուլ թևակոխելու անհրաժեշտության առաջ: Ժամանակակից կրթական միջավայրի արագ փոփոխությունները, գիտելիքահեն տնտեսության պահանջները, թվայնացման գործընթացները, միջազգային համագործակցության հնարավորությունների աճը, աշխատաշուկայի բովանդակային փոփոխությունները, բարձրագույն կրթության և գիտության նոր պահանջները ձևավորել են այնպիսի իրավիճակ, երբ Համալսարանը պարտավոր է վերանայել զարգացման իր առաջնահերթությունները և ամրապնդել իր դիրքը գիտակրթական էկոհամակարգում: Այս պայմաններում ռազմավարական ծրագիրը նպատակ ունի սահմանել Համալսարանի զարգացման նոր ուղենիշեր, որոնք հիմնված են ապագայի գիտելիքի և հմտությունների վրա, նորարարական ակադեմիական միջավայրի ձևավորման, թվային փոխակերպման, կրթական ծրագրերի միջազգային համադրելիության, ինչպես նաև համալսարան-հասարակություն փոխշահավետ համագործակցության սկզբունքների վրա: Այդ ուղենիշերն են՝

1. **Կրթական ծրագրերի արդիականացում:** Կրթական ծրագրերի վերափոխում՝ համահունչ աշխատաշուկայի ժամանակակից պահանջներին, միջմասնագիտական կարողությունների զարգացմանը և որակի միջազգային չափանիշներին:

2. **Միջազգայնացում և արտաքին կապեր:** Համալսարանի միջազգային ներկայության ընդլայնում՝ կենտրոնանալով ուսանողների և դասախոսների շարժունության, արտերկրյա ուսանողների ներգրավման և ռազմավարական գործընկերությունների խորացման վրա:

3. **Թվային փոխակերպում և տեխնոլոգիական արդիականացում:** Թվային տեխնոլոգիաների ինտեգրում Համալսարանի կառավարման և կրթական գործընթացներում՝ ապահովելով ճկուն, հասանելի և տվյալների վրա հիմնված որոշումների կայացման միջավայր:

4. **Համալսարան-հասարակություն կապ:** Համալսարանի գիտակրթական

արժեքի և տնտեսական ու սոցիալական ազդեցության շեշտադրում հանրության համար:

5. Ուսանողակենտրոն մոտեցում: Ուսանողների բարեկեցությանը և հաջողությանը աջակցող միջավայրի ստեղծում:

6. Կրթության շարունակականության ապահովում: Միկրոորակավորումներով և շարունակական կրթության ծրագրերով համալրում՝ ապահովելով ճկուն կրթական ուղիներ տարբեր լսարանների համար:

7. Կառավարչական ճկունություն և ֆինանսական կայունություն: Աշխատակազմի մասնագիտական զարգացման խթանում, կառավարման գործընթացի ճկունության բարձրացում և եկամտի նոր աղբյուրների ձեռքբերում՝ ֆինանսական կայունությունն ապահովելու համար:

8. Գիտահետազոտական առաջընթաց: Գիտահետազոտական գործունեության և նորարարության խթանում: Համալսարանը կձգտի դառնալ ոչ միայն կրթական, այլև գիտահետազոտական գերազանցությամբ առաջնորդվող կենտրոն:

Հենվելով կայուն զարգացման սկզբունքների, սոցիալական պատասխանատվության և թափանցիկ կառավարման վրա՝ Համալսարանն իր ուսանողներին և պրոֆեսորադասախոսական կազմին ապահովելու է ստեղծարար, ներառական և մրցունակ միջավայրով: Ռազմավարական ծրագիրը Համալսարանին առաջարկում է այնպիսի ուղենիշեր, որոնք հնարավորություն կտան դառնալ ժամանակակից պահանջներին բավարարող գիտակրթական առաջատար կենտրոն և ուսանողների համար ապահովել մրցունակ կրթություն:

Ռազմավարական ծրագրի իրականացման ընթացքում Համալսարանը առանձնահատուկ ուշադրություն կդարձնի կրթական շարունակականության ամբողջական շղթայի ապահովմանը՝ զարգացնելով իր կազմում գործող վարժարանն ու քոլեջը:

ՌԱԶՄԱՎԱՐԱԿԱՆ ԾՐԱԳՐԻ ՆՊԱՏԱԿՆԵՐ ԵՎ ԽՆԴԻՐՆԵՐ

ՆՊԱՏԱԿ 1: ԿՐԹԱԿԱՆ ԾՐԱԳՐԵՐԻ ԱՐԴԻԱԿԱՆԱՑՈՒՄ

ԽՆԴԻՐ 1.1. Աշխատաշուկայի պահանջներին համապատասխանեցված կրթական ծրագրեր

Գործողություն 1.1.1. Իրականացնել աշխատաշուկայի պահանջարկի ուսումնասիրություններ:

Գործողություն 1.1.2. Իրականացնել գործող կրթական ծրագրերի ինքնավերլուծություն՝ դրանք նախապատրաստելով ծրագրային հավատարմագրման:

Գործողություն 1.1.3. Կատարելագործել կրթական ծրագրերի որակի ներքին ապահովման մեխանիզմները:

Գործողություն 1.1.4. Ապահովել կրթական ծրագրերի պահանջներին համապատասխան որակյալ պրոֆեսորադասախոսական կազմ:

Գործողություն 1.1.5. Կրթական ծրագրերը համապատասխանեցնել միջազգային ստանդարտներին, այդ թվում՝ հաշվի առնելով «կանաչ կրթության» սկզբունքը:

Գործողություն 1.1.6. Տարածաշրջանային հանրակրթական պահանջների համակարգված վերլուծության հիման վրա մշակել և արդիականացնել մանկավարժի պատրաստման կրթական ծրագրեր՝ ապահովելով համապատասխանությունը ՀՀ հանրակրթության պետական չափանիշներին:

ԽՆԴԻՐ 1.2. Միջմասնագիտական և կարիերային նպաստող կրթական ծրագրեր

Գործողություն 1.2.1. Ներդնել միջմասնագիտական կրթական մոդուլներ՝ հիմնված տարբեր դասընթացների հիմնարար հասկացությունների համակարգման վրա:

Գործողություն 1.2.2. Ներդնել միկրոորակավորումների և շարունակական կրթության ծրագրեր, այդ թվում՝ հեռավար ուսումնառությամբ:

Գործողություն 1.2.3. Կայուն և գործնական կապեր ստեղծել գործատուների հետ համատեղ կրթական ծրագրերի մշակման, պրակտիկայի կազմակերպման և փորձնակի ձևաչափի ներդրման նպատակով:

Գործողություն 1.2.4. Հիմքեր ստեղծել համատեղ, կրկնակի որակավորման կրթական ծրագրեր իրականացնելու ուղղությամբ:

ՆՊԱՏԱԿ 2: ՄԻՋԱԶԳԱՅՆԱՑՈՒՄ ԵՎ ԱՐՏԱՔԻՆ ԿԱՊԵՐ

ԽՆԴԻՐ 2.1. Ուսանողների և դասախոսների միջազգային շարժունություն

Գործողություն 2.1.1. Խթանել ուսանողների մասնակցության աճը միջազգային կարճաժամկետ և երկարաժամկետ շարժունության ծրագրերում, այդ թվում՝ վիրտուալ շարժունության ձևաչափով:

Գործողություն 2.1.2. Խթանել դասախոսների մասնակցության աճը միջազգային կարճաժամկետ և երկարաժամկետ շարժունության ծրագրերում, այդ թվում՝ վիրտուալ շարժունության ձևաչափով:

Գործողություն 2.1.3. Համակարգել ֆինանսավորման և աջակցման մեխանիզմները՝ շարժունության ծրագրերի արդյունավետ իրականացման համար:

ԽՆԴԻՐ 2.2. Արտերկրյա ուսանողների ներգրավում

Գործողություն 2.2.1. Վերլուծել վիճակագրական տվյալներն ու աշխատաշուկայի միտումները՝ թիրախային երկրներից ուսանողների ներգրավման ռազմավարություն մշակելու համար:

Գործողություն 2.2.2. Վերլուծված տվյալների հիման վրա աշխատանքներ տանել օտարալեզու դասընթացներ և կրթական ծրագրեր մշակելու և ներդնելու ուղղությամբ:

Գործողություն 2.2.3. Ապահովել բազմամշակութային միջավայր արտերկրյա ուսանողների արագ հարմարեցումը խթանելու նպատակով:

ԽՆԴԻՐ 2.3. Միջազգային հետազոտական համագործակցության խթանում

Գործողություն 2.3.1. Խթանել գիտահետազոտական աշխատանքները Համալսարանի հետ համագործակցության պայմանագիր ունեցող արտասահմանյան համալսարանների հետ:

Գործողություն 2.3.2. Խթանել ուսանողների մասնակցության աճը գիտական խմբերում և հետազոտական նախագծերում:

Գործողություն 2.3.3. Մտեղծել գիտական համագործակցության ինստիտուցիոնալ հարթակ՝ հետազոտողների ակտիվ մասնակցությունն ապահովելու և նրանց գլոբալ գիտական ցանցերում ինտեգրումը խթանելու համար:

Գործողություն 2.3.4. Զարգացնել համատեղ հետազոտական նախագծերի ֆինանսավորման և աջակցության մեխանիզմներ:

Գործողություն 2.3.5. Ընդլայնել հայազիտական հետազոտությունների թեմատիկ շրջանակը՝ շեշտը դնելով միջգիտակարգային ուսումնասիրությունների վրա, ինչպես նաև խթանել հայազիտության ազդեցությունն արտասահմանում՝ կազմակերպելով դասընթացներ և ապահովելով համապատասխան ուսումնական և ուսումնամեթոդական նյութեր:

Գործողություն 2.3.6. Բարձրացնել համալսարանի միջազգային տեսանելիությունն ու մրցունակությունը՝ իրականացնելով անհրաժեշտ քայլեր համալսարանը հեղինակավոր միջազգային վարկանիշավորման համակարգերում ընդգրկելու ուղղությամբ:

ԽՆԴԻՐ 2.4. Միջազգային ծրագրերում մասնակցության բազմազանեցում

Գործողություն 2.4.1. Ընդլայնել մասնակցությունը միջազգային ծրագրերում:

ՆՊԱՏԱԿ 3: ԹՎԱՅԻՆ ՓՈԽԱԿԵՐՊՈՒՄ և ՏԵԽՆՈԼՈԳԻԱԿԱՆ ԱՐԴԻԱԿԱՆԱՑՈՒՄ

ԽՆԴԻՐ 3.1. Համալսարանի ենթակառուցվածքների արդիականացում

Գործողություն 3.1.1. Ապահովել թվային միջավայրի մատչելիություն:

Գործողություն 3.1.2. Արդիականացնել ցանցային ենթակառուցվածքները՝ հիբրիդային և առցանց ուսուցման պահանջներին համապատասխանեցնելու նպատակով:

ԽՆԴԻՐ 3.2. Ուսուցման կառավարման համակարգերի ներդրում և հիփրիդային ուսուցում

Գործողություն 3.2.1. Զարգացնել ուսուցման կառավարման համակարգեր՝ դասընթացների, առաջադրանքների և գնահատման գործընթացների թվայնացումը ապահովելու նպատակով:

Գործողություն 3.2.2. Մշակել հիփրիդային ուսուցման մոդելներ՝ ուսանողներին հնարավորություն տալով համատեղել առկա/առդեմ և առցանց ուսումնառությունը:

Գործողություն 3.2.3. Ներդնել գործիքներ՝ ուսուցման անհատականացումը և ռիսկային խմբերի հայտնաբերումը ապահովելու համար:

ԽՆԴԻՐ 3.3. Կիբերանվտանգություն և տվյալների պաշտպանություն

Գործողություն 3.3.1. Մշակել և փուլային կերպով ներդնել կիբերանվտանգության և տվյալների պաշտպանության ներքին քաղաքականություն:

Գործողություն 3.3.2. Ստեղծել և իրականացնել կիբերանվտանգության իրազեկման և գործնական հմտությունների ձևավորման համակարգ:

ԽՆԴԻՐ 3.4. Բաց կրթական ռեսուրսների ստեղծում և տարածում

Գործողություն 3.4.1. Մշակել և հրապարակել Համալսարանի ստեղծած բաց կրթական ռեսուրսները՝ գիտելիքի ազատ տարածումը խթանելու համար:

Գործողություն 3.4.2. Ինտեգրել բաց ռեսուրսները ուսումնառության ծրագրերում և առցանց հարթակներում, մշակել բաց ռեսուրսների որակի գնահատման մեխանիզմներ:

ԽՆԴԻՐ 3.5. Թվային հմտությունների զարգացում

Գործողություն 3.5.1. Ներդնել ուսանողների, դասախոսների և աշխատակազմի թվային հմտությունների թիրախային զարգացման ծրագրեր:

ՆՊԱՏԱԿ 4: ՀԱՄԱԼՍԱՐԱՆ-ՀԱՄԱՐԱԿՈՒԹՅՈՒՆ ԿԱՊ

ԽՆԴԻՐ 4.1. Համալսարան–հասարակություն կապի ամրապնդում

Գործողություն 4.1.1. Համագործակցել տեղական բիզնեսների, հասարակական կազմակերպությունների և համայնքային նախագծերի հետ կրթության, մշակույթի և գիտելիքի փոխանցման ոլորտներում՝ ապահովելով հետադարձ կապի հնարավորություններ:

Գործողություն 4.1.2. Զարգացնել համայնքային կրթական և մշակութային ծրագրեր՝ Համալսարանը դարձնելու սոցիալ-մշակութային և տնտեսական զարգացման շարժիչ ուժ:

Գործողություն 4.1.3. Ներդնել մեխանիզմներ՝ ուղղված տնտեսական, կրթական, սոցիալական, բնապահպանական խնդիրների ազդեցության պարբերական ուսումնասիրությունների իրականացմանը:

Գործողություն 4.1.4. Ներդնել Համալսարան–հասարակություն համագործակցության ազդեցության գնահատման նոր մեխանիզմներ:

ԽՆԴԻՐ 4.2. Շրջանավարտների հետ կապի ամրապնդում

Գործողություն 4.2.1. Կատարելագործել շրջանավարտների էլեկտրոնային տվյալների բազան և ներդնել պարբերական հաղորդակցության հարթակ:

Գործողություն 4.2.2. Ներդնել շրջանավարտների հետ համագործակցության ազդեցության և հաջողության գնահատման մեխանիզմներ:

ՆՊԱՏԱԿ 5: ԳԻՏԱՀԵՏԱԶՈՏԱԿԱՆ ԱՌԱՋԸՆԹԱՑ

ԽՆԴԻՐ 5.1. Հետազոտական ներուժի զարգացում

Գործողություն 5.1.1. Ամրապնդել համալսարանի և գործատուների միջև կապը՝ մշակելով և իրականացնելով համատեղ հետազոտական նախագծեր:

Գործողություն 5.1.2. Զարգացնել և ներդնել համալսարանական փոքր դրամաշնորհների և կարճաժամկետ հետազոտական ֆոնդերի միասնական համակարգ՝ ուղղված ներքին հետազոտական նախագծերի ֆինանսավորմանը,

կառավարմանը և արդյունավետ գնահատմանը:

Գործողություն 5.1.3. Զարգացնել երիտասարդ դասախոսների և ուսանողների գիտահետազոտական ներուժը՝ ստեղծելով տարբեր հարթակներ և հնարավորություններ:

Գործողություն 5.1.4. Ձևավորել հետազոտական ոլորտի և արդյունքների առևտրայնացման միասնական համակարգ:

ԽՆԴԻՐ 5.2. Հետազոտական ենթակառուցվածքների զարգացում

Գործողություն 5.2.1. Արդիականացնել լաբորատորիաները և հազեցնել դրանք նոր տեխնոլոգիաներով:

Գործողություն 5.2.2. Թիմային հետազոտության խթանման նպատակով ստեղծել միջգիտական հետազոտական համագործակցության հարթակներ:

ԽՆԴԻՐ 5.3. Գիտելիքի փոխանցում և նորարարություն

Գործողություն 5.3.1. Մշակել և իրականացնել ստարտափ աջակցման ծրագրեր:

Գործողություն 5.3.2. Ներդնել գիտահետազոտական նորարարության գնահատման նոր մեխանիզմներ՝ ապահովելով համապատասխանեցումը պետական ներդրումային հիմնադրամի չափանիշներին:

Գործողություն 5.3.3. Մշակել ձեռնարկատիրական գործունեության և մասնավոր հատվածի հետ համագործակցության արդյունավետ մեխանիզմներ՝ խթանելով համալսարանում նորարարական ստարտափների և ձեռնարկատիրական ինկուբատորի ձևավորումը և արդյունքների առևտրայնացումը:

ԽՆԴԻՐ 5.4. Բաց գիտություն և միջազգային ճանաչելիություն

Գործողություն 5.4.1. Հրապարակումների թափանցիկության և միջազգային մատչելիության ապահովման նպատակով ներդնել բաց գիտության քաղաքականություն:

Գործողություն 5.4.2. Բարձրացնել հեղինակային հրապարակումների ներգրավվածությունը և թվաքանակը Scopus, WoS շտեմարաններում:

Գործողություն 5.4.3. Աշխատանքներ տանել Համալսարանի հետազոտողների

մտավոր սեփականության արդյունք հանդիսացող հետազոտությունների միջազգայնացման և լայն հասանելիության ապահովման ուղղությամբ՝ դրանք ներկայացնելով և կիրառելի դարձնելով մարզի, տարածաշրջանի և միջազգային շահակիցների համար:

Գործողություն 5.4.4. Աշխատանքներ տանել ապահովելու համալսարանի տեղեկագրերի ընդգրկումը բարձր վարկանիշ ունեցող միջազգային շտեմարաններում՝ նպաստելով դասախոսների և հետազոտողների գիտական հոդվածների տեսանելիության, մատչելիության և մեջբերման մակարդակի բարձրացմանը:

ՆՊԱՏԱԿ 6: ԿԱՌԱՎԱՐՉԱԿԱՆ ՃԿՈՒՆՈՒԹՅՈՒՆ և ՖԻՆԱՆՍԱԿԱՆ ԿԱՅՈՒՆՈՒԹՅՈՒՆ

ԽՆԴԻՐ 6.1. Կառավարչական ճկունություն և մարդկային ռեսուրսների զարգացում

Գործողություն 6.1.1. Իրականացնել վարչական աշխատակազմի մասնագիտական զարգացման ծրագրեր՝ օգտագործելով թվային կառավարման գործիքներ:

Գործողություն 6.1.2. Զարգացնել կառավարման սկզբունքները՝ թափանցիկության, հաշվետվողականության և մասնակցային կառավարման ապահովման նպատակով:

Գործողություն 6.1.3. Բարձրացնել կառավարման համակարգի արդյունավետությունը՝ սահմանելով չափելի գործառույթներ և հստակ գործիքակազմեր:

ԽՆԴԻՐ 6.2. Համալսարանի կառուցվածքի համապատասխանեցում 2026-2030թթ. Ռազմավարությանը և կառուցվածքային բարեփոխումների միջոցով Համալսարանի գործունեության արդյունավետության բարձրացում:

Գործողություն 6.2.1. Իրականացնել Համալսարանի բոլոր կառուցվածքային ստորաբաժանումների գործունեության համապարփակ ուսումնասիրություն և մշակել կառուցվածքային բարեփոխումների ճանապարհային քարտեզ:

Գործողություն 6.2.2. Ճանապարհային քարտեզի հիման վրա իրականացնել կառուցվածքի վերակազմակերպման ընթացակարգային, ֆինանսական և մարդկային

ռեսուրսների վերափոխման աշխատանքներ:

ԽՆԴԻՐ 6.3. Ֆինանսական կայունություն

Գործողություն 6.3.1. Զարգացնել ֆինանսավորման աղբյուրների բազմազանությունը՝ ներգրավելով տեղական և միջազգային դրամաշնորհներ, մասնավոր հատվածի գործընկերություններ և առևտրային ծառայություններ:

Գործողություն 6.3.2. Ստեղծել օժանդակության հիմնադրամ և զարգացնել բարեգործական նվիրատվությունների համակարգ:

Գործողություն 6.3.3. Համալսարանի ֆինանսական կայունությունը ապահովելու նպատակով զարգացնել ֆինանսական պլանավորման և ռիսկերի գնահատման համակարգը:

Գործողություն 6.3.4. Բարձրացնել ֆինանսական ռեսուրսների կառավարման արդյունավետությունը՝ հաշվի առնելով կրթական և ֆիզիկական միջավայրերի բարելավման առաջնահերթությունները:

ԽՆԴԻՐ 6.4. Կանաչ համալսարանի և կայունության քաղաքականություն

Գործողություն 6.4.1. Բարձրացնել էներգաարդյունավետությունը և ներդնել թափոնների կառավարման ժամանակակից մեխանիզմներ:

Գործողություն 6.4.2. Ստեղծել էկոլոգիապես պատասխանատու միջավայր՝ կիրառելով կանաչ համալսարանի քաղաքականություն:

ԽՆԴԻՐ 6.5. Նորարարության մշակույթ և ստեղծարարություն

Գործողություն 6.5.1. Խթանել նորարարությունը կազմակերպչական մշակույթում՝ կիրառելով ներքևից վերև մասնակցային սկզբունքը:

ՆՊԱՏԱԿ 7: ՈՒՍԱՆՈՂԱԿԵՆՏՐՈՆ ՔԱՂԱՔԱԿԱՆՈՒԹՅՈՒՆ

ԽՆԴԻՐ 7.1. Ուսանողակենտրոն մոտեցում

Գործողություն 7.1.1. Ընդլայնել ուսանողական աջակցման ծառայությունները:

Գործողություն 7.1.2. Բարձրացնել ուսանողների քաղաքացիական գիտակցությունը:

ԽՆԴԻՐ 7.2. Ներառական և հավասար կրթություն

Գործողություն 7.2.1. Ապահովել համալիր ներառական կրթություն՝ ստեղծելով հավասար հնարավորություններ բոլոր ուսանողների համար:

Գործողություն 7.2.2. Մշակել և իրականացնել նպատակային աջակցության ծրագրեր՝ տարբեր խմբերի ուսանողների կրթական առաջընթացի և ակադեմիական հաջողությունների խթանման նպատակով:

ԽՆԴԻՐ 7.3. Կառավարման գործընթացներում ուսանողների ակտիվ մասնակցության ապահովում

Գործողություն 7.3.1. Ձևավորել աշխատանքային խմբեր՝ Համալսարանի որոշումների կայացման գործընթացներում ուսանողների առավել ակտիվ մասնակցություն ապահովելու նպատակով: